

BAHASA "TEMBOK BESAR"

Nur Shallaa Shamimi Abdul Razak

APB SEREMBAN

Bahasa merupakan elemen teras dalam peradaban sesuatu kaum atau bangsa. Pada tahun 2020 kini, kebanyakkan rakyat Malaysia bukan sahaja hanya boleh menguasai bahasa kebangsaan iaitu Bahasa Malaysia dan bahasa kedua, Bahasa Inggeris, malah rakyat Malaysia juga berkebolehan dalam menguasai bahasa ketiga seperti Bahasa Arab, Bahasa Tamil dan Bahasa Mandarin.

Pengajaran dan pembelajaran bahasa ketiga semakin meluas dalam setiap lapisan masyarakat terutamanya di peringkat sekolah dan juga universiti. Peluang mempelajari bahasa ketiga turut terbuka luas kepada mahasiswa dan mahasiswi di Universiti Teknologi Mara (UiTM) khususnya. Hal ini tentu sekali memberikan pengetahuan dan pengalaman yang lebih menarik kepada mahasiswa mahasiswi yang mempelajari bahasa ketiga di UiTM.

Selaras dengan Revolusi Industri 4.0 (IR 4.0), Bahasa Mandarin menjadi bahasa yang hangat khususnya dalam industri global kini. Hal ini berikutan pasaran dan ekonomi dunia pada masa kini dikuasai oleh negara China. Oleh itu, penguasaan Bahasa Mandarin bukan sahaja menjadi nilai tambah kepada seorang individu dalam menghadapi cabaran global, disamping juga dapat mengenal budaya dan tradisi masyarakat kaum Cina yang tidak asing lagi di tanah air ini yang terdiri daripada tiga kaum utama iaitu Melayu, Cina dan India. Namun begitu, apakah sebenarnya yang menarik tentang Bahasa Mandarin sehingga ia digelar sebagai ‘bahasa ekonomi’?. Justeru, berikut merupakan fakta-fakta menarik yang perlu kita ketahui tentang bahasa ini, bak kata pepatah cina 不认识就不爱 (bù rěnshí jiù bù ài) yang bermaksud tak kenal maka tak cinta!

i. Bahasa pǔtōnghuà

Pǔtōnghuà bermaksud bahasa kebangsaan ataupun bahasa rasmi bagi sesebuah negara. Sepertimana Bahasa Malaysia diangkat sebagai bahasa kebangsaan negara kita, begitu juga Bahasa Mandarin yang dijadikan bahasa rasmi bagi negara Republik Rakyat China. Terdapat 56 etnik dengan populasi sebanyak 1.3 bilion rakyat di negara China, bahasa Mandarin yang juga dikenali sebagai 汉语 (hàn yǔ) merupakan bahasa asal bagi kaum Han yang merupakan etnik ataupun kaum majoriti negara tersebut. Bahasa tersebut juga digunakan secara meluas dalam kehidupan seharian dalam kalangan rakyat China, sekaligus diiktiraf sebagai bahasa ibunda, 母语 (mǔ yǔ) negara China. Walaubagaimanapun, di Malaysia Bahasa Cina lebih dikenali sebagai 华语 (huá yǔ) yang merujuk kepada Bahasa Mandarin yang digunakan oleh kaum cina yang bukan berasal dari tanah besar China.

ii. Bahasa lukisan



Ramai beranggapan bahawa tulisan cina atau dikenali sebagai 汉字(hàn zì) merupakan tulisan yang paling sukar di dunia. Hal ini tidak dapat disangkal lagi memandangkan bahasa tersebut berbeza dengan Bahasa Melayu yang mempunyai 26 huruf abjad Latin. Dalam Bahasa Mandarin, kebanyakkan 汉字(hàn zì) yang digunakan pada masa kini adalah merupakan sejarah lukisan pada zaman dahulu yang telah melalui beberapa fasa modenisasi. Terdapat lebih kurang 100,000 karakter Mandarin yang berjaya direkodkan, walaubagaimanapun hanya 2,500 karakter Mandarin yang akan digunakan dalam kehidupan seharian. Oleh itu, adalah lebih mudah dan menarik jika seseorang individu dapat mempelajari sejarah asal-usul 汉字(hàn zì) di samping mempelajari cara menulis dan maksud sesuatu 汉字(hàn zì) itu. Sebagai contoh, perkataan matahari, 日 (rì) dan mata, 目 (mù).